

Во СРЕДА 6-Й СЕДМИЦЫ ПО ПАСХЕ
Во вторник вечера. Отдание праздника Пасхи

По 9-м часу во святильничном, настоятель став пред святою трапезою с кадильницею, знаменует крестовидно, и возглашает глаголя:

Настоятель: **Благословен Бог наш всегда, ныне и присно и во веки веков.**

Лик: **Аминь.**

Настоятель поет тропарь во святом алтаре: **Христос воскрес из мертвых, * смертию смерть поправ, * и сущим во гробех живот даровав. (Трижды.)**

Лик: **Христос воскрес из мертвых, смертию смерть поправ, и сущим во гробех живот даровав. (Трижды.)**

Таже настоятель глаголет стихи:

Первый стих: **Да воскреснет Бог, и расточатся врази Его, и да бежат от Лица Его ненавидящие Его.**

Лик: **Христос воскрес: единожды.**

Второй стих: **Яко исчезает дым, да исчезнут, яко тает воск от лица огня.**

Лик: **Христос воскрес: единожды.**

Третий стих: **Тако да погибнут грешницы от Лица Божия, а праведницы да возвеселятся.**

Лик: **Христос воскрес: единожды.**

Четвертый стих: **Сей день, егоже сотвори Господь, возрадуемся и возвеселимся вонь.**

Лик: **Христос воскрес: единожды.**

Слава:

Лик: **Христос воскрес: единожды.**

И ныне:

Лик: **Христос воскрес: единожды.**

Таже настоятель поет вышним гласом: **Христос воскрес из мертвых, смертию смерть поправ.**

Лик: **И сущим во гробех живот даровав.**

И по стисех псалом: **Благослови душе моя Господа:**

И ектения. Таже кафисма обычная.

На Господи возвах: **поем стихиры самогласны, слепаго, на 6. Глас 2-й:**

Слепый родивыйся, в своем помысле глаголаше: еда аз грех ради родительных родихся без очию? еда аз за неверие языков родихся во

обличение? Не домышляюся вопрошати: когда ночь, когда день? Не терпится ми нозе каменного претыкания, не видех солнца сияюща, ниже во образе мене Создавшего. Но молю ти ся Христе Боже, призри на мя, и помилуй мя.

Мимоходя Иисус от святилища, обрете человека слепа от рождения, и умилосердився положи брение на очию его, и рече к нему: иди умыйся в Силоаме: и умывся прозре, славу возсылая Богу. Соседи же его глаголаху ему: кто твои зеницы отверзе, ихже никтоже зрящих исцелити возможе? Он же возопив, рече: Человек Иисус глаголемый, Он ми рече: умыйся в Силоаме, и прозрех. той есть воистинну, Егоже рече Моисей в законе, Христа Мессию: Той есть Спас душам нашим.

Глас 4-й: Все житие слепый ночь помышляя, возопи Тебе: Господи, отверзи ми зеницы, Сыне Давидов Спасе наш, да со всеми и аз воспою Твою силу.

Глас 5-й: Господи, мимоходя путем, обрел еси человека слепа от рождения, и удивлени бывше ученицы, вопрошаху Тя глаголюще: Учителю, кто согрешил, сей ли, или родители его, да слеп родися? Ты же Спасе мой, возопил еси к ним: ни сей согрешил, ни родители его, но да явятся дела Божия на нем. Мне подобает делати дела Пославшаго Мя, яже никтоже может делати. И сия рек, плюнув долу, брение сотвори, помазал еси очи его, рек к нему: иди умыйся в Силоамстей купели. Он же умывся здрав бысть, и вопияше к Тебе: верую Господи, и поклонися Тебе. Темже вопием и мы: помилуй нас.

Глас 8-й: Правды Солнце мысленное Христе Боже, из утробы света лишенного, Твоим пречистым прикосновением просветившее обоюду, и наши очи душевныя озарившее, сыны дне покажи, да верою вопием Ти: многое Твое и неизреченное, еже на нас благоуобразие, Человеколюбче слава Тебе.

За милосердие милости воплотивыйся Христе Боже, света лишенного от утробы, милосердием неизреченных щедрот сияния Божественного сподобил еси сего зеницам перстию создательными персты Твоими прикоснувшись: Сам и ныне Светодателю, и наша озари душевная чувства, яко един Независтнодатель.

Слава и ныне: глас 8-й:

Кто возглаголет силы Твоя Христе? или кто изочтет чудес Твоих множества? Сугуб бо яко виден был еси на земли за благость, сугубы и цельбы недугующим подавал еси. Не точию бо телесныя очи отверзл еси, иже от утробы слепому, но и душевныя. Темже Бога Тя исповедаше таящагося, и всем подающа велию милость.

Прокимен дне.

На стиховне стихира, глас 5-й:

Тебе воплощенного Спаса Христа, и небес не разлучившася, во гласех пений величаем: яко Крест и смерть приял еси за род наш, яко Человеколюбец Господь, испровергий адова врата, тридневно воскресл еси, спасая души наша.

Таже, и прочая стихиры Пасце, глас 5-й:

Стих: Да воскреснет Бог и расточатся врази Его.

Пасха священная нам днесь показася: * Пасха нова святая: * Пасха таинственная: * Пасха всечестная: * Пасха Христос Избавитель: * Пасха непорочная: * Пасха великая: * Пасха верных: * Пасха, двери райския нам отверзающая: * Пасха, * всех освящающая верных.

Стих: Яко исчезает дым, да исчезнут.

Приидите от видения, * жены благовестницы, * и Сиону рцыте: * приими от нас радости благовещения * Воскресения Христова: * красуйся, ликуй * и радуйся, Иерусалиме, * Царя Христа узрев из гроба, * яко жениха происходяща.

Стих: Тако да погибнут грешницы от Лица Божия, а праведницы да возвеселятся.

Мироносицы жены, * утру глубоку * предсташа гробу Живодавца, * обретоша Ангела * на камени сядяща, * и той, провещав им, * сице глаголаше: * что ищите Живаго с мертвыми? * Что плачете Нетленного во тли? * Шедше, * проповедите учеником Его.

Стих: Сей день, егоже сотвори Господь, возрадуемся и возвеселимся в онь.

Пасха красная, * Пасха, Господня Пасха! * Пасха всечестная нам возсия. * Пасха! * Радостию друг друга обьемем. * О Пасха! * Избавление скорби, * ибо из гроба днесь, * яко от чертога, * возсияв Христос, * жены радости исполни, глаголя: * проповедите апостолом.

Слава, и ныне, глас 5-й:

Воскресения день, * и просветимся торжеством, * и друг друга обьемем. * Рцем: братие, * и ненавидящим нас * простим вся Воскресением * и тако возопиим: * **Христос воскрес из мертвых, смертию смерть поправ и сущим во гробех живот даровав.**

По Ныне отпускаеши: и по Отче наш:

Таже отпустительный тропарь, глас 5-й:

Собезначальное Слово Отцу и Духови, от Девы Рождающееся на спасение наше, воспоим вернии и поклонимся, яко благоволи плотию взыти на Крест, и смерть претерпети, и воскресити умершья славным Воскресением Твоим.

[Слава, и ныне, Богородичен, глас 5-й]

И ектения: Помилуй нас Боже:

И обычный отпуст глаголет иерей без креста: Воскресый из мертвых: И святого дне поминает. И многолетны.

[зри] На повечерии по Достойно: и по трисвятом, кондак слепаго: Слава, и ныне: Пасхи: Аще и во гроб:

[зри] Полунощницу же поем по обычаю с кафисмою. По 1-м трисвятом, вместо: **Се** Жених грядет: глаголем тропарь воскресен: **С**обезначальное Слово: Слава, и ныне: Богородичен его. По 2-м трисвятом, вместо: **П**омяни, Господи, яко благ: глаголем кондак Пасхи: **А**ще и во гроб: **П**осем, Господи помилуй. 12. И отпуст. Молитвы же: **П**омяни, Господи, в надежди: не глаголем.

ВО СРЕДА 6-Й СЕДМИЦЫ ПО ПАСХЕ

В СРЕДУ НА УТРЕНИ

Начало творит священник: **Слава** Святей, и Единосущней: по обычаю, с кадилом, и со стихи, яко изъобразися вечера.

И по стисех глаголет настоятель, или чтец: **Слава** в вышних Богу: И шестопсалмие по обычаю.

На **Бог** Господь: Тропарь воскресн, глас 5-й:

Собезначальное Слово Отцу и Духови, от Девы Рождающееся на спасение наше, воспоим вернии и поклонимся, яко благоволи плотию взыти на Крест, и смерть претерпети, и воскресити умершья славным Воскресением Твоим. [Дважды]

Слава, и ныне: Богородичен его, глас 5-й:

По 1-м стихословии, седален воскресен.

Крест Господень похвалим, погребение святое песньми почтим, и Воскресение Его препрославим: яко совозможи мертвыя от гроб яко Бог, пленив смерти державу, и крепость диаволу, и сущым во аде свет возсия.

Слава, и ныне,

Богородичен: **Р**адуйся святая горо и богопроходная, радуйся одушевленная купино и неопалимая, радуйся едина к Богу мирови мосте, преводяй смертныя к вечному животу. Радуйся нетленная Отроковице, неискусумжно рождающая Спасение душ наших.

По 2-м стихословии седален, глас 5-й:

Отцу и Духови Собезначальный, Иже светом яко ризою одеваешься, человеколюбно в наше естество облечеся, и недуги человеческия отгоняя яко бог, просвети и зеницы от ложесн матерних лишеннаго света. [Дважды.]

Слава, и ныне: тойже

Воскресение Христово: Псалом 50.

Каноны три: Пасце со ирмосы на 6: и слепаго на 4: и предпразднству Вознесения, на 4.

Канон пасце, глас 1-й:

Песнь 1.

Ирмос: **В**оскресения день, * просветимся, людие: * Пасха, Господня Пасха! * От смерти бо к жизни * и от земли к небеси * Христос Бог нас преведе, * победную поющия.

Припев: **Христос** воскрес из мертвых.

Очистим чувства * и узрим неприступным светом Воскресения * Христа блистающая, * и радуйтесь рекуща, * ясно да услышим, * победную ноюще.

Небеса убо достойно да веселятся, * земля же да радуется, * да празднует же мир, * видимый же весь и невидимый: * Христос бо воста, веселие вечное.

Иный канон Богородичен:

Умерщвления предел сломила еси, вечную жизнь рождающая Христа, из гроба возсиявшего днесь, Дево Всенепорочная, и мир просветившаго.

Воскресшаго видевши Сына Твоего и Бога, радуйся со апостолы Богоблагодатная Чистая: и еже радуйся первее, яко всех радости вина, восприяла еси, Богомати Всенепорочная.

Иный канон о слепом, глас 5-й:

Ирмос: Землю, на нюже не возсия ...,

Распятие вольное восприим Спасе плотию, источил еси благословение, и жизнь миру Владыко, едине Всеблагословенне, и всех Содетелю. Темже благословим Тя, поем и славим, поюще, воспевающе победную песнь.

В рове Тя преисподнейшем мертв бывша Христе, положи благообразный Иосиф, и привали к дверем гроба камень, Долготерпеливе. Но воскресл еси славне, и мир совозставил еси поющий, воспевающий победную песнь.

Троицен: Едино Троиипостасное Существо почитающе вернии, прославим Отца, и Сына, и Духа праваго, Творца, и Господа, и Избавителя всех, единого несозданного со безплотными зывающе: Свят, Свят, Свят еси Царю.

Богородичен: Во утробу неискусобрачную Твою вселися Чистая Господь, за милосердие щедрот, спасти хотя человека истлевшаго козньми вражиими. Того убо моли, град сей спасти от всякаго пленения, и врагов нашествия.

Канон предпразднству Вознесения. Глас 5-й:

Ирмос: Коня и всадника ...,

Горе ко Отцу Христос восходит, и приносит плоть, юже от нас восприят: Того воспоем в похвалении днесь, победную песнь поюще.

Книги писаний Божественных, и проповеди премудрых богоглагольник, конец яве прияша: по востании бо Владыка, восходит со славою в небесная.

Слава, и ныне: Земля тайно ликует, и небесная веселия исполняются о Вознесении Христа, древле разстоящаяся соединившаго благодатию, и Евино преграждение разорившаго.

Катавасия: Спасителю Богу, * в мори люди немокрыми ногами наставльшему, * и фараона со всевоинством потопльшему, * Тому единому поим, * ко прославиюся.

Песнь 3.

Ирмос: Приидите, пиво прием новое, * не от камене неплодна чудодеемое, * но нетления источник, * из гроба одождивша Христа, * в Немже утверждаемся.

Ныне вся исполнишася света, * небо же и земля, и преисподняя: * да празднует убо вся тварь * востание Христово, * в немже утверждается.

Вчера спогребохся Тебе, Христе, * совостаю днесь воскресшу Тебе, * сраспинахся Тебе вчера. * Сам мя прослави, Спасе, * во Царствии Твоем.

Богородичен:

На нетленную жизнь прихожду днесь благостию Рождшагося из Тебе Чистая, и всем концем свет облиставшаго.

Бога Егоже родила еси плотию, из мертвых, якоже рече, воставша видевши Чистая, ликуй, и Сего яко Бога Пречистая возвеличай.

Ин. о слепом,

Ирмос: Движимое сердце мое Господи ...,

Колеблющихся сердца утвердил еси, землю всю поколебав Долготерпеливе, честным распятием Твоим еже претерпел еси плотию.

В новом гробе Тебе положи Щедре, Иосиф благообразный, воскресл же еси из мертвых тридневен новосотворивый нас.

Троицен: Богу Отцу поклоняемся Пребезначальному, и Сыну, и Божественному Духу, Тринесозданному Естеству, Триипостасному, Единому Богу всех.

Богородичен: Из чрева девическа родила еси Бога воплощенна, Емуже молися Всесвятая Владычице, ущедрити нас.

Ин. Предпразднству,

Ирмос: Водрузивый на ничесомже землю ...,

Связав Своею смертию Слове смерть, из мертвых воскресл еси яве тридневен, и к небесным Спасе возшел еси со славою, песнословящим безплотным Твое смотрение неизреченное.

Пришел еси к земным Христе кроме тела, и облекся в плоть, Крест претерпел еси, и воскрес из мертвых, возшел еси со славою к началосветному Отцу Твоему, умиротворивый всяческая.

Слава, и ныне: Поискав Христе на земли заблудшее овца, незаблудным Слове, сие счинил еси: и Вознесся к небесем, сел еси во славе одесную Твоего Родителя. Слава многому благоутробию Твоему.

Катавасия: Силою Креста Твоего Христе, * утверди мое помышление, * во еже пети и славити * спасительное Твое Вознесение.

Кондак слепаго, глас 4-й: Подобен: Явился еси днесь:

Душевныма очима ослеплен, к Тебе Христе прихожду, якоже слепый от рождения, покаянием зову Ти: Ты сущих во тме свет пресветлый.

Таже седален, глас 1-й:

Подобен: Гроб Твой Спасе:

Воочил еси Христе от утробы рожденного без очес, показавый иудеем Спасе мой, славу Твою неизреченную, и яко Свет всех еси: но завистию Тя ослеплении умом наветующе, живота Подателя умертвити потщася.

Слава, и ныне:

Родился еси, яко Ты Спасе мой восхотевый, явился же паки еси, яко Ты восхотел еси, и пострадал еси яко Человек, яко Бог же воскресл еси. На небеса со славою возшел еси, и возвел еси человеческое существо, и славою удобрил еси.

Песнь 4.

Ирмос: На Божественной стражи * богоглаголивый Аввакум * да станет с нами и покажет * светоносна Ангела, * ясно глаголюща: * днесь спасение миру, * яко воскрес Христос, * яко Всесилен.

Мужеский убо пол, * яко разверзый девственную утробу, * явился Христос: * яко человек же, * Агнец наречеся: * непорочен же, * яко невкусен скверны, * наша Пасха, * и яко Бог истинен * совершен речеся.

Яко единоклетный агнец, * благословенный нам венец Христос, * волею за всех заклан бысть, * Пасха чистительная, * и паки из гроба красное * правды нам возсия Солнце.

Богоотец убо Давид, * пред санным ковчегом * скакаше играя, * людие же Божии святии, * образов сбытие зряще, * веселимся Божественне, * яко воскрес Христос, * яко Всесилен.

Богородичен тойже:

Сздавый Адама Твоего праотца Чистая, зиждется от Тебе, и смертное жилище разори Своею смертию днесь, и озари вся Божественными блистаньями Воскресения.

Егоже родила еси Христа, прекрасно из мертвых возсиявши Чистая зрящи, добрая и Непорочная в женах и красная, днесь во спасение всех, со апостолы радующися Того прославляй.

Ин. о слепом,

Ирмос: Услышах Господи слух Твой ...,

Умерша мя древом, пожрен быв Спасе мой, жизнь сый оживил еси, за великую милость: сего ради Слове славлю Тя.

Учеником Господи, соводяся преславно, сим глагола еси: идите, проповедите всюду Мое Воскресение.

Троицен: **Е**диночестная, безначальная Троице, нераздельная Существом, раздельна Ипостасьми, спасай вся верно Тя страхом славящия.

Богородичен: **Р**ожество Твое Чистая еже паче естества славословим блажаще верно Тебе Пренепорочная, яко Бога всех Родительницу.

Ин. Предпразднству,

Ирмос: **Б**ожественное Твое разумев ...,

Прежде грехом осужденное естество наше Всецарю Твоим приятием помиловася, песнословящее Твое со страхом Востание, и Божественное Вознесение.

Дивятся безплотных чини, смотряюще Тя Христе носяща тело земное, и возшедша на облак, и к небесным восходяща.

Видевше очервлены ризы Твоя Христе Всецарю, Твоим восходом ужасошася ангельския силы и страхом и радостию поклонишася.

Слава, и ныне: **В**осплещим рукама, Господь встав из мертвых, на небеса възиде, повинувшись Ему ангелом, яко Творцу и Богу нашему.

Катавасия: **У**слышах слух силы Креста, * яко рай отверзся им, * и возопих: * слава силе Твоей Господи.

Песнь 5.

Ирмос: **У**тренюем утреннюю глубоко * и вместо мира песнь принесем Владыце, * и Христа узрим правды Солнце, * всем жизнь возсияюща.

Безмерное Твое благоутробие, * адовыми узами содержимии зряще, * к свету идяху, Христе, * веселыми ногами, * Пасху хваляще вечную.

Приступим, священоснии, * исходящу Христу из гроба, яко жениху, * и спразднуем любопразднственными чинми * Пасху Божию спасительную.

Богородичен:

Просвещается Божественными лучами и живоносными Воскресения Сына Твоего, Богомати Пречистая, и радости исполняется благочестивых собрание.

Не разверзл еси врата девства в воплощении, гроба не разрушил еси печатей Царю создания: отонудуже воскресшаго Тя зрящи Мати, радовашеся.

Ин. о слепом,

Ирмос: **О**каянную душу мою ...,

Вознеслся еси на Древо Щедре, и совознесл еси вся человеки, и борителя змия умертил еси, и оживил еси создание рук Твоих, яко един Бог всех.

Положился еси во гробе волею Царю Безсмертне, и царствия адова вся истощил еси, мертвыя Воскресением Твоим воздвигнув.

Троицен: Троицу во Единице, и в Троице Единицу вернии славословим вси, Отца и Сына, и Духа Праваго, единого Бога, Содетеля всех воистинну.

Богородичен: Како родила еси богоблагодатная Дево Мати Чистая, не познавши искуса мужеска? Како питаеши Питающего всю тварь? Якоже един весть Сам, всех Творец и Бог.

Ин. Предпразднству,

Ирмос: Одейся светом ...,

Разрешив осуждение человечества, Христос воскрес и к небесным, Отчим соседением почет, ихже возлюбил. [Дважды.]

По воскресении радостнотворивый Христе ученики Твоя, возшел еси горе, к Твоему Родителю, Егоже не разлучился еси, аще и человеком беседовал еси.

Слава, и ныне: Закону предсания, и проповедания богоглаголивых исполнив, Христе возшел еси, облаку Тя подъемшу Спасе, к небесным.

Песнь 6.

Ирмос: Снизшел еси в преисподняя земли * и сокрушил еси веревы вечныя, * содержащая связанныя, Христе, * и тридневен, яко от кита Иона, * воскресл еси от гроба.

Сохранив цела знамения, Христе, * воскресл еси от гроба, * ключи Девы не вредивый в рождестве Твоем, * и отверзл еси нам райския двери.

Спасе мой, * живое же и нежертвенное заклание, * яко Бог Сам Себе * волею привел Отцу, * совоскресил еси всероднаго Адама, * воскрес от гроба.

Богородичен:

Возведеса древле держимое смертию и тлением, воплотившимся от Твоего пречистаго чрева, к нетленной, и присносущней жизни, Богородице Дево.

Сниде в преисподняя земли, в ложесна Твоя Чистая спешдый, и вселивыйся и воплотивыйся паче ума, и воздвиже с Собою Адама, воскрес от гроба.

Ин. о слепом,

Ирмос: Якоже пророка от зверя избавил еси Господи, * и мене из глубины несодержимых страстей возведи, * молюся, да приложу призрети ми * ко храму святому Твоему.

Распныйся с разбойники Владыко, избавил еси от разбойник лукавых, душегубных страстей, Человеколюбче Господи, вся поющыя Твое распятие, и востание согласно.

Положиша без дыхания Тебе мертва, Христе, во гробе, всем мертвым вдыхающа жизнь: воскресл же еси Господи, вся истощивый Слове гробы, Божественною Твоею силою.

Троицен: Трои́постасная Еди́нице, Отче неро́жденне, Сыне ро́жденне, и Душе́ исхо́дне, Трисвяты́й Господи́, еди́но Суще́ство и си́ла, спасай́ вся лю́ди Твоя́.

Богородичен: Вели́чия Твоя́, Чистая́, кто́ испове́сть? Бога́ бо плоти́ю роди́ла еси́ преесте́ственно, мир Тобо́ю изба́вляюща́го, Дево́ Всенепоро́чная, от вся́каго греха́.

Катавасия: **Обы́де** мя бездна́, гроб́ мне кит бы́сть: аз же возопих́ к Тебе́ Человеколю́бцу, и спасе́ мя десни́ца Твоя́, Господи́.

Ин. **Предпразднству́,**

Ирмос: Неистовствующее́ся буре́ю ...,

Странное́ видение́ явился еси́ анге́лом.челове́чь зрак но́ся, восхо́дом Твои́м стра́шным Человеколю́бче: темже́ со стра́хом воспе́ваем Тя. [Два́жды.]

Всех Господь со славою́ восхо́дит све́тло к Сво́ему Безнача́льному Родите́лю: вся тва́рь ны́не праздну́ет лику́юще.

Слава, и ны́не: **В**сяк язы́к днес́ да вопи́ет: в воскликнове́нии, Христо́с взы́де, и в тру́бы Божестве́нном гла́се к небе́сам: ихже́ не остави́.

Катавасия: **Утре́нююще** вопи́ем Ти * Господи́, спаси́ ны: * Ты́ бо еси́ Бог на́ш, * разве́ бо Тебе́ ино́го не зна́ем.

Та́же конда́к Пасхи́, гла́с 8-й:

Аще́ и во гроб́ сни́зшел еси́, Безсме́ртне, * но а́дову разруши́л еси́ си́лу и воскресе́л еси́, я́ко победи́тель, Христо́е Бо́же, * жена́м мироноси́цам веща́вый: ра́дуйте́ся, * и Твои́м апо́столом мир да́руй, па́дшим пода́й воскресе́ние.

Икос: **Е**же́ пре́жде со́лнца Со́лнце за́шедшее́ ино́гда во гроб́, предвари́ша ко́ утру, и́щущия́ я́ко дне́ мироноси́цы де́вы, и дру́га ко дру́зей вопи́яху: о дру́гини, прии́дите, воня́ми пома́жем Те́ло живоно́сное и погребенное́, плоть Воскреси́вшего па́дшаго А́дама, лежа́щую во гробе́. Идем, потщи́мся, я́коже волсви́, и поклони́мся, и при́несем ми́ра я́ко да́ры, не в пелена́х, но в плащанице́ обвито́му, и пла́чим, и возопи́им: о Вла́дыко, востани́, па́дшим пода́й воскресе́ние.

Песнь 7.

Ирмос: **О**тро́ки от пе́щи изба́вивый, * быв Че́ловек, * стра́ждет я́ко сме́ртен, * и стра́стию сме́ртное * в нетле́ния обла́чит благоле́пие, * Еди́н благослове́н * оте́ц Бог и препросла́влен.

Жены́ с ми́ры богому́дрия * в сле́д Тебе́ течаху́: * Е́гоже, я́ко ме́ртва, со слеза́ми искаху́, * поклони́шася ра́дующия́ся Живому́ Бо́гу, * и Пасху́ тайную́ * Твои́м, Христо́е, * уче́ником благовести́ша.

Сме́рти праздну́ем умерщвле́ние, * а́дово разруше́ние, * ино́го жити́я, ве́чнаго, нача́ло, * и игра́юще по́ем Виновна́го, * Еди́наго благослове́ннаго * оте́ц Бога́ * и препросла́вленнаго.

Яко воистинну священная * и всепразднственная сия спасительная ночь, * и светозарная, * светоноснаго дне, * востания сущи провозвестница: * в нейже безлетный Свет * из гроба плотски всем возсия.

Богородичен:

Умертвив Сын Твой смерть, Всенепорочная днесь, всем смертным пребывающий живот во веки веков дарова, един благословенный отец Бог и препрославленный.

Всем царствуяй созданием, быв Человек, вселися в Твою Богоблагодатная утробу, и распятие претерпев и смерть, воскрес Боголепно, совозставив нас яко всемогущ.

Ин. о слепом,

Ирмос: Огня гасилище отроков молитва ...,

Воздвижену Тебе на Древо Спасе, погасе солнце, земля волнуяшеся, колебашеся тварь вся, и от гроб мертвии востаяху.

Воставшу ти из мертвых Царю, души совозсташа тамо спящия, славящия силу Твою, еюже смертныя узы разрешишася.

Троицен: Отца безначальна, собезначальна же Сына, и Духа Пресвятаго песнословим: Свят, Свят, Свят еси Боже, Царю всех.

Богородичен: По рождестве Дева явилася еси Чистая, Бога бо родила еси, обновившаго естества Пречистая силою Своею: Егоже моли спастися всем нам.

Ин. Предпразднству,

Ирмос: Превозносимый отец ...,

Растерзав средостение вражды Господи, Крестом и Страстию Твоею, облаком носимъ возшел еси со славою к Безначальному Отцу.

Трепетни зываху силы: возмите врата, прииде Христос тело земное нося, и Божественною Страстию велиара умертвив.

Что Твоя ризы червлены Человеколюбче? Силам Божественным вопрошающим: точило ныне изгнетох, Христос восходя вопияше.

Слава, и ныне: Песньми Твое распятие Христе, и Востание согласно славим, светло празднующе о Вознесении честном Твоем во веки.

Катавасия: В пещи огненной * песнословцы * спасый отроки, * благословен Бог отец наших.

Песнь 8.

Ирмос: Сей нареченный и святой день, * Един суббот Царь и Господь, * праздников праздник * и торжество есть торжеств: * воньже благословим Христа во веки.

Приидите, новаго винограда рождения, * божественнаго веселия, * в нарочитом дни Воскресения * Царствия Христова приобщимся, * поюще Его * яко Бога во веки.

Возведи окрест очи твои, Сионе, и виждь: * се бо приидоша к тебе, * яко богосветлая светила, * от запада и севера, и моря, * и востока чада твоя, * в тебе благословящия Христа во веки.

Отче Вседержителю, и Слове, и Душе, * трети соединяемое во Ипостасех Естество, * Пресущественне и Пребожественне, * в Тя крестихомся и Тя благословим во вся веки.

Богородичен

Прииде Тобою в мир Господь Дево Богородице, и чрево адово расторг, смертным нам воскресение дарова: темже благословим Его во веки.

Всю низложив смерти державу Сын Твой Дево, Своим Воскресением, яко Бог крепкий совознесе нас и обожил: темже воспеваем Его во веки.

Ин. о слепом,

Ирмос: Ангелов сонм, человеков собор ...,

Ангельстии чиновне на Кресте Тя видевше висима Христе Всецарю, и тварь всю изменяюща страхом, ужасошася поюще Твое человеколюбие.

Ад доле Тебе видево стеньше, и подаваше скоро мертвыя от века тамо хранимыя, Христе, песнословящия Твое человеколюбие.

Троицен: Троице нераздельная, Единице неслиянная, Боже всяческих и Зиждителю всех, песнословящия и верно покланяющияся державе Твоей, от всяких искушений спасай.

Богородичен: Дево Пречистая, богоблагодатная, Твоего моли Сына всегда, да не посрамит мя в день осуждения, но сочтет избранным овцам.

Ин. Предпразднству,

Ирмос: Тебе вседетелью ...,

Свет Тя от Света сущий, облак светел подъят от горы Масличныя, всем зрящим божественным учеником Твоим, и Тебе воспевающим во вся веки.

Руками псаломски восплецим, воскресе Христос Бог наш, и взыде, отонудуже сниде к нам человеколюбно, умиротворивый древле разстоящася.

Благословим Отца, и Сына, и Святаго Духа, Господа.

Поя Давид вопиет: Христос взыде на Херувимех Своих, и возлете яже на крилу умных чинов: егоже превозносим во вся веки.

И ныне: Явился еси учеником воскрес от гроба, и сих возвел еси на гору Масличную, отонудуже облак светел подъем, взят к горним Христе Тебе со славою.

Таже: **Х**валим, **б**лагословим, **п**оклоняемся **Г**осподеви:

Катавасия: Из Отца прежде век рожденного Сына и Бога, * и в последняя лета воплощенного от Девы Матере, * священницы пойте, * людие превозносите во вся веки.

Честнейшую: не поем: но поем припевы пасхи:

Припевы на 9-й песни:

Стих: Величит душа моя * воскресшаго тридневно от гроба * Христа Жизнодавца.

Ирмос: Светися, светися, * новый Иерусалиме: * слава бо Господня * на тебе возсия, * ликуй ныне * и веселися, Сионе. * Ты же, Чистая, красуйся, Богородице, * о востании Рождества Твоего.

Стих: Величит душа моя * волею страдавши и погребена, * и воскресшаго тридневно от гроба.

Светися, светися ...,

Стих: Христос новая Пасха, * Жертва живая, * Агнец Божий, * взямай грехи мира.

О Божественнаго, о любезнаго, * о сладчайшаго Твоего гласа! * С нами бо неложно * обещался еси быти * до скончания века, Христе: * Егоже, вернии, * утверждение надежды имуще, радуемся.

Стих: Днесь всяка тварь веселится и радуется: * яко Христос воскрес * и ад пленился.

О Божественнаго, о любезнаго ...,

Стих: Величит душа моя * Триипостаснаго и Нераздельнаго Божества державу.

О Пасха велия и священнейшая, Христе! * О мудросте и Слове Божий, и сило! * Подавай нам истее Тебе причащатися * в не вечернем дни Царствия Твоего.

Стих: Радуйся, Дево, радуйся, * радуйся, Благословенная, * радуйся, Препрославленная: * Твой бо Сын воскрес * тридневен от гроба.

О Пасха велия и священнейшая, Христе ...,

Стих: Ангел вопияше * благодатней, * Чистая Дево радуйся, * и паки реку, радуйся: * Твой Сын воскрес тридневен от гроба, * и мертвыя * воздвигнувый, * людие веселитесь.

Ирмос: Светися, светися, * новый Иерусалиме: * слава бо Господня * на тебе возсия, * ликуй ныне * и веселися, Сионе. * Ты же, Чистая, красуйся, Богородице, * о востании Рождества Твоего.

Богородичен:

Согласно Дево, Тебе блажим вернии: радуйся дворе Господня: радуйся граде одушевленный: радуйся, Еяже ради нам ныне возсия свет, из Тебе Рожденного из мертвых Воскресения.

Веселися и радуйся божественная дворе Света: зашедый бо Иисус во гроб возсия, просияв солнца светлее, и верныя вся озарив, Богорадованная Владычице.

Ин. о слепом,

Ирмос: Яко сотвори Тебе величия Сильный ...,

На Древе крестнем пригвоздился еси Христе Боже, и вся победил еси вражия сопротивная начала, и первую клятву потребил еси Спасе: темже Тя по долгу величаем.

Яко виде Тя Слове, ад доле с душою, воздохну, и вся мертвыя страхом отрещи, познавшыя державу власти Твоея: темже Тя по долгу величаем.

Троицен: Свет Отца чту, Свет славлю и Сына, Свет воспеваю Духа Праваго, един Свет нераздельный, в триех Лицех разумеваемый, Бога Царя всея твари.

Богородичен: Явившиися пространнейшая небес Дево Чистая, вместила еси плотию Бога неописаннаго, и родила еси всех Избавление, верою несумненною воспевающих Тя.

Ин. Предпразднству,

Ирмос: Исаие ликуй ...,

Священное торжество вся тварь приносит яве Вознесению Твоему Слове Божий, имже принесл еси Отцу Твоему, еже от нас естество восприял еси паче слова Неизменне.

Яко Бог стерл еси врата адова Спасе и вереи, и воскрес из мертвых, к небесным востекл еси чином ангельским, врата возмите, вопиющим со удивлением.

Твоему Божественному восходу дивящимся божественным учеником, предстапа явственно ангели, тем вопиюще: Егоже видите восходяща на небеса, Сей приидет со славою судити всем.

Еже Христе даровал еси мир учеником, к горним древле восходя. той и нам богато низпосли, в любви всех содержа: яко да согласно Тебе Спаса величаем.

Слава, и ныне: Светоносная колесница Солнца мысленного, Ты была еси воистинну, Нескверная Чистая, Имже седящий во тме видеша свет познания, по долгу Тя славяще.

Катавасия: **Т**я паче ума и словесе Матерь Божию, * в лето Безлетнаго * неизреченно рождшую, * вернии единомудренно величаем.

Екзапостилларий, Пасхи. Самогласен:

Плотию уснув, * яко мертв. * Царю и Господи, * тридневен воскресл еси, * Адама воздвиг от тли * и упразднив смерть: * Пасха нетления, * мира спасение.
[Дважды]

Слава, и ныне: Слепаго.

Умныя мои очи ослепленные, Господи, от мрачнаго греха, Ты просвети, вложив Щедре смирение, и покаяния омый слезами.

На хвалитех ставим стихов 8, и поем стихиры слепаго 4, глас 2-й:

Слепый родивыйся в своем помысле глаголаше: еда аз грех ради родительных родихся без очию? еда аз за неверие языков родихся во обличение? домышляюся вопрошати: когда ночь, когда день? не терпита ми нозе каменнаго претыкания: не видех бо солнца сияюща, ниже во образе мене Создавшаго: но молю ти ся Христе Боже, призри на мя и помилуй мя.

Мимоходя Иисус от святилища, обрете человека слепа от рождения, и умилосердився положи брение на очию его, и рече к нему: иди, умыйся в Силоаме: и умывся прозре, славу возсылая Богу. Соседи же его глаголаху ему: кто твои зеницы отверзе, ихже никтоже от зрящих исцелити возможе? Он же возопив рече: Человек Иисус глаголемый, Он ми рече: умыйся в Силоаме, и прозрех. Той есть воистинну, Егоже рече Моисей в законе Христа, Мессию, Той есть Спас душ наших.

Таже, глас 4-й: **В**се житие слепый ночь помышляя, возопи к Тебе: Господи отверзи ми зеницы, Сыне Давидов, Спасе наш, да со всеми и аз воспою Твою силу.

Таже, Глас 5-й: **Г**осподи, мимоходя путем, обрел еси человека слепа от рождения, и удивлени бывше ученицы, вопрошаху Тя глаголюще: Учителю, кто согрешит: сей ли, или родители его, да слеп родися? Ты же Спасе мой возопил еси к ним: ни сей согрешит, ни родители его, но да явятся дела Божия на нем. Мне подобает делати дела Пославшаго Мя, яже никтоже может делати. И сия рек, плюнув долу, и брение сотвори, помазал еси очи его, рек к нему:

иди, умыйся в Силоамстей купели. Он же умывся здрав бысть, и вопияше к Тебе: верую Господи, и поклонися Тебе. Темже вопием и мы, помилуй нас.

И прочая стихиры Пасце, глас 5-й:

Стих: Да воскреснет Бог и расточатся врази Его.

Пасха священная нам днесь показася: * **Пасха** нова святая: * **Пасха** таинственная: * **Пасха** всечестная: * **Пасха** Христос Избавитель: * **Пасха** непорочная: * **Пасха** великая: * **Пасха** верных: * **Пасха**, двери райския нам отверзающая: * **Пасха**, * всех освящающая верных.

Стих: Яко исчезает дым, да исчезнут.

Приидите от видения, * жены благовестницы, * и Сиону рцыте: * прими от нас радости благовещения * Воскресения Христова: * красуйся, ликуй * и радуйся, Иерусалиме, * Царя Христа узрев из гроба, * яко жениха происходяща.

Стих: Тако да погибнут грешницы от Лица Божия, а праведницы да возвеселятся.

Мироносицы жены, * утру глубоку * предсташа гробу Живодавца, * обретоша Ангела * на камени сядяща, * и той, провещав им, * сие глаголаше: * что ищите Живаго с мертвыми? * Что плачете Нетленного во тли? * Шедше, * проповедите учеником Его.

Стих: Сей день, егоже сотвори Господь, возрадуемся и возвеселимся в онь.

Пасха красная, * **Пасха**, Господня **Пасха**! * **Пасха** всечестная нам возсия. * **Пасха**! * Радостию друг друга обьемем. * О **Пасха**! * Избавление скорби, * ибо из гроба днесь, * яко от чертога, * возсияв Христос, * жены радости исполни, глаголя: * проповедите апостолом.

Слава, и ныне, глас 5-й:

Воскресения день, * и просветимся торжеством, * и друг друга обьемем. * Рцем: братие, * и ненавидящим нас * простим вся Воскресением * и тако возопиим: * **Христос** **воскресе** из мертвых, **смертию** **смерть** поправ и **сущим** во гробех **живот** даровав.

И славословие великое. Таже отпустительный тропарь, глас 5-й:

Собезначальное Слово Отцу и Духови, от Девы Рождающееся на спасение наше, воспоим вернии и поклонимся, яко благоволи плотию взыти на Крест, и смерть претерпети, и воскресити умершья славным Воскресением Твоим.

[Слава, и ныне, Богородичен, глас 5-й]

Ектения и отпуст без креста. И святого на отпусе поминает, егоже будет день.

И час 1, в притворе. На 1-м часе глаголем псалмы обычные. На Слава: тропарь: **С**обезначальное Слово: **И** ныне: Богородичен: **Ч**то ты наречем: По трисвятом кондак: **Д**ушевными очима: **И** конечный отпуст по обычаю, и прочия часы пред литургиею глаголем трипсалмнии.

НА ЛИТУРГИИ

Наченшу диакону: **Б**лагослови владыко. Настоятелю же возгласившу: **Б**лагословено Царство Отца, и Сына, и Святаго Духа, ныне и присно, и во веки веков. **И мы: А**минь.

Настоятель поет тропарь во святом алтаре: **Х**ристос воскрес из мертвых, * смертию смерть поправ, * и сущим во гробех живот даровав. **[Трижды.]**

Лик: **Х**ристос воскрес из мертвых, смертию смерть поправ, и сущим во гробех живот даровав. **[Трижды.]**

Таже настоятель глаголет стихи:

Первый стих: **Д**а воскреснет Бог, и расточатся врази Его, и да бежат от Лица Его ненавидящии Его.

Лик: **Х**ристос воскрес: **[Единожды]**

Второй стих: **Я**ко исчезает дым, да исчезнут, яко тает воск от лица огня.

Лик: **Х**ристос воскрес: **[Единожды]**

Третий стих: **Т**ако да погибнут грешницы от Лица Божия, а праведницы да возвеселятся.

Лик: **Х**ристос воскрес: **[Единожды]**

Четвертый стих: **С**ей день, егоже сотвори Господь, возрадуемся и возвеселимся вонь.

Лик: **Х**ристос воскрес: **[Единожды]**

Слава:

Лик: **Х**ристос воскрес: **[Единожды]**

И ныне:

Лик: **Х**ристос воскрес: **[Единожды]**

Таже настоятель поет вышшим гласом: **Х**ристос воскрес из мертвых, смертию смерть поправ.

Лик: **И** сущим во гробех живот даровав.

Посем глаголет диакон ектению великую.

На литургии изобразительная, и от канона песнь 3, и 6. На 8.

Ныне вся исполнишася света, небо же и земля, и преисподняя: да празднует убо вся тварь востание Христово, в немже утверждается. **[Дважды]**

Вчера спогребохся Тебе, Христе, совостаю днесь воскресшу Тебе, сраспинахся Тебе вчера. Сам мя спрослави, Спасе, во Царствии Твоем. **[Дважды]**

Сохранив цела знамения, Христе, воскресл еси от гроба, ключи Девы не вредивый в рождестве Твоем, и отверзл еси нам райския двери. **[Дважды]**

Слава: Спасе мой, живое же и нежертвенное заклание, яко Бог Сам Себе волею привел Отцу, совоскресил еси всероднаго Адама, воскрес от гроба.

И ныне: Спасе мой, живое же ...,

По входе, Тропарь, глас 5-й:

Собезначальное Слово Отцу и Духови, от Девы Рождающееся на спасение наше, воспоим вернии и поклонимся, яко благоволи плотию взыти на Крест, и смерть претерпети, и воскресити умершых славным Воскресением Твоим.

Слава: кондак слепаго. глас 4-й:

Душевными очима ослеплен, к Тебе Христе прихожду, якоже слепый от рождения, покаянием зову Ти: Ты сущих во тме свет пресветлый.

И ныне: кондак Пасхи, глас 8-й:

Аще и во гроб снизшел еси, Безсмертне, * но адову разрушил еси силу и воскресл еси, яко победитель, Христе Боже, * женам мироносицам вещавый: радуйтесь, * и Твоим апостолом мир даруй, падшим подай воскресение.

Прокимен, глас 8-й:

Прокимен: Сей день егоже сотвори Господь, возрадуемся и возвеселимся вонь.

Стих: Исповедайтесь Господеви, яко благ, яко в век милость Его.

Апостол в Деяниях, зачало 41. (Дея. 18:22 - 28)

Во дни оны, спешд Павел в Кесарию, возшед и целовав Церковь, сниде во Антиохию. И сотвори время некое, изыде, проходя по ряду Галатийскую страну и Фригию, утверждая вся ученики. Иудеанин же некто, Аполлос именем, Александриянин родом, муж словесен, прииде во Ефес, силен сый в книгах. Сей бе оглашен пути Господню, и горя духом, глаголаше и учаще известно яже о Господе, ведый токмо крещение Иоанново. Сей же начат дерзати на сонмищах. Слышавша же его Акила и Прискилла, прияша его и известнее тому сказаша путь Господень. Хотящу же ему преити во Ахаию, предпославше братия написаша учеником прияти его: иже пришед тамо пособствова много веровавшим благодатию. Твердо бо Иудеи не престая обличаше пред людьми, сказуя Писаньми, Иисуса быти Христа.

Аллилуиа, глас 4: Ты воскрес ущедриши Сиона.

Стих: Господь с Небесе на землю призре.

Евангелие от Иоанна, зачало 43 (Ин. 12:36 - 47)

Рече Господь ко пришедшим к Нему Иудеем: дондеже свет имате, веруйте во свет, да сынове света будете. Сия глагола Иисус, и отшед скрыся от них. Толика знамения сотворшу Ему пред ними, не вероваху в Него. Да сбудется слово Исаии пророка, еже рече: Господи, кто верова слуху нашему, и мышца Господня кому открыся? Сего ради не можаху веровати, яко паки рече Исаия: ослепи очи их, и окаменил есть сердца их, да не видят очима, ни разумеют сердцем, и обратятся, и исцелю их. Сия рече Исаия, егда виде славу Его, и глагола о Нем. Обаче убо и от князь мнози вероваша в Него, но фарисей ради не исповедоваху, да не из сонмищ изгнани будут. Возлюбиша бо паче славу человеческую, неже славу Божию. Иисус же воззва, и рече: веруай в Мя, не верует в Мя, но в пославшаго Мя. И видяй Мя, видит пославшаго Мя. Аз свет в мир приидох, да всяк веруай в Мя во тме не пребудет. И аще кто услышит глаголы Моя, и не верует, Аз не сужду ему: не приидох бо, да сужду миру, но да спасу мир.

Вместо же Достойно: поем:

Стих: Ангел вопияше * благодатней, * Чистая Дево радуйся, * и паки реку, радуйся: * Твой Сын воскресе тридневен от гроба, * и мертвыя * воздвигнувый, * людие веселитесь.

Таже ирмос: Светися, светися, новый Иерусалиме: * слава бо Господня * на тебе возсия, * ликуй ныне * и веселися, Сионе. * Ты же, Чистая, * красуйся, Богородице, * о востании Рождества Твоего.

Причастный: Тело Христово примите, источника бессмертного вкусите, аллилуа. [трижды]

Глаголем же и псалом 33: Благословлю Господа: Таже иерей творит отпуст Пасхи со крестом, и прочее все поем конец литургии, якоже указася на самую Пасху. И тако отдается праздник святого и живоноснаго Христова Воскресения.

На трапезе бывает братии утешение великое, сиречь елеем, рыбою и вином.